

**UGOVOR broj: 17-14-16714-05****PRODAVAC: "UNILAB" d.o.o. ul. Drinska br. 70 Sarajevo, ID broj. 4200054160007**  
( u daljem tekstu Prodavac)**KUPAC: KANTON SARAJEVO, Stručna služba za zajedničke poslove , ul. Reisa Džemaludina Čauševića br. 1 Sarajevo, ID broj: 4200667410006**  
(u daljem tekstu: Kupac)**1. PREDMET UGOVORA:**

Predmet Ugovora je nabavka i montaža opreme za kontrolu radnog vremena za potrebe Ministarstva za obrazovanje, nauku i mlade Kantona Sarajevo (objekat Studentskih domova) prema ponudi broj: 540/2017 od 20.4.2017. godine, zaprimljenoj pod brojem: 17-14-16714-2 od 20.4.2017. godine, za slijedeće stavke:

<i>Red br.</i>	<i>NAZIV ROBE</i>	<i>Jed. mj</i>	<i>Kol.</i>	<i>Jedinična cijena bez PDV-a</i>	<i>PDV</i>	<i>Ukupna cijena sa PDV-om</i>
1.	Terminal za kontrolu radnog vremena 505R TIME & ATTENDANCE ACCES CONTROLLER IDTECK ASK format RF čitača funkcija za kontrolu prolaza i evidenciju radnog vremena dinamička kontrola memorija do 10000 korisnika i 7250 događaja 4 funkcijska tastera za kontrolu izlazaka, antipassback i mod otvaranja pod prisilom, 1 eksterni čitač, ethernet, RS232, RS422 i RS485 komunikacija, 10 vremenskih rasporeda, sa podjelom dana do 5 vremenskih intervala, 32 grupa praznika, dvoredni displej po 16 karaktera, montaža na zid	kom	1	687,00	116,79	803,79
2.	Beskontaktni čitač kartica IDTECK čitač beskontaktnih kartica, čitanje na 10 cm sa pasivnim i 30 cm sa aktivnim karticama, vanjska/unutrašnja montaža, izlazni format 26bit Wiegand, ulazi: za direktno upravljanje Buzzer-om i promjenom boje integriranih led dioda	kom	1	99,00	16,83	115,83
3.	Modul za napajanje transformator, ispravljač i akumulator, kutija za smještaj opreme	kom	1	95,00	16,15	111,15
4.	Komunikacioni konverter Lan komunikacioni konverter za komunikaciju terminala sa PC klijentom/serverom, komunikacija RS232/RS485	kom	1	147,00	24,99	171,99

5.	Instalacioni materijal kablovi, kanalice i sitni instalacioni materijal	kom	1	60,00	10,20	70,20
6.	Radovi izrada instalacije i montaža opreme, programiranje sistema i puštanje u rad, obuka korisnika u rukovanju sistemom		1	150,00	25,50	175,50

## 2. OBIM ISPORUKA:

Obim isporuka iskazan u tački 1. ovog Ugovora, obuhvata:

- isporuku opreme u pripremljenim prostorijama Kupca,
- instaliranje opreme,
- održavanje u garantnom roku.

## 3. CIJENA:

Ukupna cijena za isporuku i instaliranje po ovom Ugovoru iznosi:

1. Cijena bez PDV-a 1.238,00 KM
2. PDV 210,46 KM
3. Cijena sa PDV-om 1.448,46 KM.

Slovima: (Hiljadučetiristotinečetredesetam i 46/100 KM)

Cijena po ovom Ugovoru podrazumijeva paritet fco Sarajevo, isporučeno na adresu koju (Dalmatinska br. 2), ocarinjeno, bez poreza na promet.

## 4. NAČIN PLAĆANJA:

Ugovorne strane su saglasne da se plaćanje izvrši **odmah** nakon završetka instaliranja opreme, odnosno nakon izdavanja računa.

Naručilac se obavezuje da neće stvarati nove materijalno-finansijske obaveze, ukoliko je rok za plaćanje računa istekao.

Ukoliko Naručilac ne plati račun za isporučenu i instaliranu opremu iz tačke 1. ovog Ugovora, dužan je platiti zakonom propisane zatezne kamate.

## 5. ROKOVI:

Rok za isporuku i instaliranje opreme iz tačke 1. ovog Ugovora je odmah po potpisivanju Ugovora, a najdalje u roku od **1 (jednog) dana**.

## 6. PRIMOPREDAJA:

Primopredaja opreme vrši se potpisom otpremnice i radnog naloga a isti se potpisuju nakon kvalitativnog i kvantitativnog prijema opreme, odnosno nakon instalacije opreme, koju će izvršiti ovlašteno lice Stručne službe za zajedničke poslove Kantona Sarajevo.

Ukoliko se pregledom utvrdi da kvalitet i kvantitet ponuđene opreme ne odgovara traženom i ponudom utvrđenom kvalitetu i kvantitetu, odnosno konstatuju se problemi u toku i nakon instalacije opreme, Kupac zadržava pravo da traži otklanjanje nedostataka, odnosno ako se nedostaci ne otklone u roku od 48 h da raskine ugovor na štetu prodavca.

#### **7. GARANCIJE:**

Za ugovorenu opremu iz tačke 1. ovog Ugovora Prodavac daje garanciju na kvalitet i funkcionalnost u trajanju od:

- **12 (dvanaest) mjeseci od dana isporuke i instaliranja.**

Garancija za opremu obuhvata sve kvarove nastale uslijed grešaka u projektovanju, proizvodnji i materijalu.

Prodavac će u toku garantnog perioda održavati opremu u funkcionalnom stanju i u okviru toga izvršavat će redovno održavanje i otklanjanje kvarova, odnosno popraviti ili zamijeniti, po svojoj ocjeni komponentu ili neispravni dio opreme.

Sve neispravne komponente ili dijelovi opreme ostaju vlasništvo Prodavca.

Garancija se ne priznaje u slučaju kada je do kvara na opremi došlo uslijed:

- nepravilne, nestručne upotrebe opreme,
- neadekvatnih uslova za rada opreme,
- više sile i
- drugih nepredviđenih događaja.

Kupac gubi pravo na garanciju ako u toku garantnog perioda, bez pristanka Prodavca, sam ili putem trećih lica vrši popravke na predmetu Ugovora.

#### **8. OBAVEZE KUPCA/PRODAVCA:**

Kupac i Prodavac se obavezuje da u roku od 24h od potpisa Ugovora pismeno obavijesti Prodavca i Kupca koje će lice biti zvanični predstavnik Prodavca, odnosno Kupca po ovom Ugovoru.

Prodavac se obavezuje da će po isteku garantnog roka obezbjediti Kupcu nabavku rezervnih dijelove za isporučenu opremu u periodu od najmanje 36 mjeseci, kao i da će omogućiti Kupcu ukoliko on to bude tražio sklapanje Ugovora o održavanju opreme.

#### **9. AUTORSKA PRAVA:**

Prodavac zadržava sva autorska prava proistekla iz njegovog industrijskog vlasništva nad cjelokupnim predmetom ovog Ugovora.

#### **10. SPOROVI:**


Sve eventualne sporove koji proisteknu iz ovog Ugovora rješavat će ugovorne strane sporazumno. Ukoliko ne bude moguće sporazumno rješavanje nastalih sporova isti će biti riješeni putem nadležnog suda u Sarajevu.

## 11. ZAVRŠNE ODREDBE:

Ugovor stupa na snagu danom obostranog potpisivanja od strane ovlaštenih lica ugovornih strana.

Ovaj ugovor je sastavljen u 4 (četiri) istovjetna primjerka od kojih svaka ugovorna strana dobija po 2 (dva) primjerka.

**PRODAVAC:**  
**"UNILAB" d.o.o. SARAJEVO**



**KUPAC:**  
**KANTON SARAJEVO**  
**Stručna služba za zajedničke poslove**



31-05-2017

Sarajevo, \_\_\_\_\_ godine